

Swnjcienz Minzczuz Vwnzva Hwngfat Minzczuz Gyauyuz

传承民族文化 发展民族教育

——Vujmingz Yen Daibingz Cin Gingloz Siujoyz Cuengh Gun Song Saw Vah Daegsaek Banhhag Geiqsaed

□bonjbauq gicej Liengz Haijsingh Cau Dwzfeih dunghsinyenz Cinz Cicungh



▲Douhung hagdanz.

▲Gyoengq hagseng youq seiz
ciel swnjcienz biuivieni cez muz.



▲Gyahnazda gyauyuz
bucangj daeuj hagdanz
gaucaz song saw vah sonhag.



▲Guekgya gvanhgunghvej
cujiyn Gu Siulenz caeuj hagseng
hab'ingj.



▲Gyoengq hagseng biujiyenj
fouxsaux.



▲Veiz Cunhmingz lauxsae
hwnj dangzgoq Sawcuengh.



▲Gingisaek ndaw hag.

Vujmingz Yen Daibingz Cin Gingloz Siujoyz dwg aen cunh gaep siujoyz youq dieg Bouxcuengh comzyouq he. Hagdanz youq bi 1950 laebbaenz, 98% doxhwnj dwg hagseng Bouxcuengh. Aen hagdanz neix dangguh swcigih Cuengh Gun song saw vah sonhag saedniemh hagdanz ndawde aen he, lai bi daeuj, hagdanz cungfaen fatok giyndei Cuengh Gun song saw vah sonhag, laebhwnj "haengj、angq、huz" banhhag leixniemh, haenqrenz swnjcienz caeuj baujhoh feihvuzciz vwnzva yizcanj, hopheux minzczuz gyauyuz "roek aen it" gunghcwngz, gaenxmaenx haiguh minzczuz doxgiet cinbu haeuj hagdanz hozdung, cingzcik yienhda.

Laeb gyauyuz leixniemh moq, caux hozdung lohnaemj moq. Hagdanz ciuqei gyauyuz fuengcim caeuj minzczuz cwngeuz dangj, hopheux hagdanz "swnjcienz minzczuz vwnzva, gungganq vunzmoq Mbanjcuengh" banhhag moegbiu, cugbous laebdingh minzczuz doxgiet cinbu cauxlaeb hozdung haeuj hagdanz guh hong lohnaemj moq, giendingh aeu minzczuz doxgiet cinbu cauxlaeb hozdung caeuj yozgoh sonhag doxcaez giethab, caeuj hagdanz vwnzva hozdung doxcaez giethab, caeuj gyaranz、ndawbiengz gyauyuz doxcaez giethab, baujmaenx hagdanz haiguh minzczuz doxgiet cauxlaeb hozdung cangqheiq miz bouhloh hwngfat.

Swnjcienz minzczuz vwnzva, haiguh song saw vah gyauyuz, hagdanz haenqrenz guh minzczuz conzdungj vwnzva gyauyuz, doeng-gvaq hailaeb "minzczuz fungcingz caeuj vwnzmingz hagdanz" "conzdungj ngoenzcienz caeuj rengzhoengh hagdanz" "minzczuz diyyuz caeuj cangqheiq hagdanz" daengj yaubwnj gocwngz, cungfaen fatok giyndei song saw vah sonhag, hopheux minzczuz doxgiet gyauyuz "roek aen it" gungh-

cwngz hwnjguh, hawj minzczuz vwnzva haeuj hagdanz hozdung caeuj hong dwzyuz、Cuengh Gun song saw vah sonhag saedniemh ndeindei giethab.

Gohyenz yinxlingx hwnjguh, coicaenh hagdanz hwngfat. Hagdanz guh yozcenzbanh Sawcuengh gyoepyaem、Cuengh Gun song saw vah nyinhaw、Cuengh Gun song saw doegyawj sonhag daengj dangzgoq yenzgiu, daezok le giendingh "aeu vunz guh goek" gyauyuz leixniemh, guhbaenz le heiqfaenh yozcenzbanh angqyangz hag Sawcuengh. Hagdanz vih gikfat giyn xndaeuz hagseng hag Sawcuengh, gaenxmaenx haiguh hozdung lai cungj lai yiengh. Lumjbaenz: 2015 nienz 5 nyied comz lauxsae hagseng camgya Vujmingz Yen siujhagseng doeg Sawcuengh doxdax, 6 boux hagseng camgya doxdax haenx cienzbouh ndaej ciengj, ndawde Vangz Cez daengj 4 boux hagseng ndaej itdaengjciengj, Vangz Fungdan daengj 2 boux hagseng ndaej ngeihdaengjciengj; miz 4 boux lauxsae camgya cujlauxsae doxdax, ndawde Vangz Funggyauh daengj 3 boux lauxsae ndaej itdaengjciengj, Linz Ginjfung lauxsae ndaej ngeihdaengjciengj. Hagdanz gujli bouxcoz lauxsae camgya gak cungj



▲“Lwgglingloz” yisuzdonz
hagseng biujiyenj Fwenguengh.



▲Gohagdanz Vahcuengh
camgya doxdax ndaei zimciengi.